

Izjava OHR-a na konferenciji za medije međunarodnih organizacija u Mostaru

Prava radnika će biti zaštićena sa više investicija

Amandmani donešeni prošlog mjeseca na Zakon o Stečaju u Federaciji BiH osiguravaju da Zakon omogući preduzećima da se restrukturiraju i ostanu u poslu prije nego što odu u likvidaciju

Prije nego su ovi amandmani donešeni, preduzeća u Federaciji su imala samo dvije mogućnosti – da odu u likvidaciju, koja znači otpuštanje svih njihovih radnika ili da ostanu u poslu «na papiru» proizvodeći malo ili ništa, upošljavajući minimum osoblja, dok je stotine radnika na listi čekanja bez plaća ili doprinosa.

Dopunjeni Zakon o stečaju daje preduzećima treću opciju – mogu ostati u poslu, osigurati dolazak kapitala kroz investiciju, restrukturiranje I zatim proširenje. Resturktuiranje može uključivati I otpušanje radnika, ali dugornočno veće su šanse da će novi poslovi biti stvoreni.

Neki sindikati su dali podršku ovom pristupu, prepoznajući u tome moguću dobrobit radnika. Drugi tvrde da mreža socijalnog osiguranja koja bi se bavila otpuštenim nije adekvatna. Ovo pitanje je bio predmet izjave koju je jučer objavila Svjetska banka, navodeći da su prošle sedmice entitetski zvaničnici I stručnjaci svjetske banke finalizirali pripreme za projekat koji će učiniti da 12 mil američkih dolara svjetske banke bude dostupno zaslužbe koje pružaju pomoć pri zapošljavanju. Sljedeće 4 godine ovaj projekat će pružiti pomoć radnicima oba entiteta koji će biti otpušteni kao višak.

OHR poziva sindikate da rade sa entitetskim vladama I da koriste Zakon o stečaju na efektivan način za zaštitu i kreiranje novih radnih mjesta kroz ohrabrivanje restrukturiranja i investiranje.

Javni RTV servis na Vijeću ministara

Koliko je OHR-u poznato, Zakon o Javnom RTV servisu BiH biće sutra na raspravi u Vijeću ministara. OHR ponovo poziva Vijeće ministara da usvoji Zakon o Javnom RTV servisu BiH koji je u potpunosti usaglašen sa Studijom izvodljivosti Evropske Unije, sa sporazumom premijera i s Daytonskim mirovnim sporazumom.

Ne treba podsjećati da ovo predstavlja jedan od uvjeta za evropske integracije i da, ako se BiH ozbiljno želi pridružiti Evropi, ona bi to sada trebala i iskazati ispunjavanjem ovih uslova.

OHR čestita

OHR bi želio čestitati Gradskoj upravi i njenom vođstvu na stvaranju funkcionalnih Odjela Gradske uprave. Svi načelnici tih odjela su sada imenovani. Ovo predstavlja značajan korak u smislu stvaranja ključne poluge koja će poduprijeti Gradsku upravu u stvaranju nužnih uslova za pravilno funkcioniranje Gradske uprave. Vjerujemo da će imenovani načelnici Odjela dati sve od sebe kako bi radili u korist svih građana Mostara.

OHR takođe čestita na objedinjavanju gradske Vatrogasne službe koje je postignuto početkom ove sedmice. Ovo predstavlja opipljiv dokaz procesa ujedinjenja koji ima stvaran povoljan učinak za građane Mostara. Zahvaljujući vođstvu, profesionalizmu i predanom radu ovih vatrogasaca, Mostar sada ima ujedinjenu Vatrogasnu službu i jedinstven telefonski broj za slučajeve požara 123.

Ubijeđeni smo kako će, kada se ostale institucije ugledaju na gradsku Vatrogasnu službu, građani Mostara osjetiti daljnju ogromnu korist od toga.